



Inatsisartut

Aningaasaqarnermut Akileraartarnermullu

Ataatsimiititaliaq

Finans- og Skatteudvalget

Ulloq/Dato:

8. marts 2012

J.nr.:

01.31.06/12-00567

Aningaasaqarnermut Naalakkersuisoq

Suliami nr. 01.31.06/12-00567 ataasinngornermi ulloq 6. februar 2012 Aningaasaqarnermut Akileraartarnermullu Ataatsimiititaliap aalajangenera pillugu Naalakkersui-sunut ilisimatitsissut

2012-imut kiffartuunneqarnissamik Sisimiut Fish ApS-mik isumaqatigiissutip akuerineqarnissaanik qinnuteqaat

Naalakkersuisut **inassutigaa**,

- Sisimiut Fish ApS-imit 2012-mut 1,262 mio. kr.-inut kiffartuunneqarnissamik isumaqatigiissut ilanngunneqartoq taamatut isikkoqarluni akuersissutigineqassasoq
- 2012-imi 1,262 mio. kr.-it kontumit pingaarnermit 50.01.18-mit Ingerlatsinissamut isumaqatigiissutit, Tunisassiorfiit tiguneqassasut.

Aningaasaqarnermut Ataatsimiititaliap oqaaseqaatai

Ataatsimiititaliap februrip 8-ani 2012-imi aalajangiinnermini apeqquteqaataanut Naalakkersuisut akissutigisaat tunngavigalugu suliamik matuminnga suliarinninnini ataatsimiititaliap nanqeppaa.

Kiffartuunneqarnissamik Royal Greenlandimut aamma Arctic Green Foodimut siusinnerusukut isumaqatigiissutaasut akuersissutigineqarnerannut atatillugu Aningaasaqarnermut Ataatsimiititaliap kaammattuuteqarneratigut "*Nunaqarfinni tunisassiorfiit pillugit sullissinissamut isumaqatigiissutinik nalilersuineq*" Deloittep 2011-imi ukiakkut suliaa.

Nalunaarusiami tassani Deloittep ilaatigut innersuussutigaa kiffartuussinissamik isumaqatigiissusiani matumunnga assigusuni nalimmassaasarnissamut aqqissuussisoqassasoq, taamaalilluni ingerlatseqatigiiffiit kiffartuussinissamik isumaqatigiissusiaanni ingerlatsinermi angusarisassatut missingersuusiata naapertorlugit isertitatigut pissarsiaasut 10 procentimik imaluunniit 20 procentimik anneruppata taakkua malitsigitillugu Nunatta Karsianut utertinneqartarnissaannik kinguneqartartartussamik. Nalimmassaasarnissamut taamatut immikkut aqqissuussinissami siunertaavoq, ingerlatseqatigiiffiit missingersuusiortarnermini isumalluarpallaaratik missingersuusiortarnermissaat pisortanit tapiissutaasartut amerlinissaat siunertaralugu. Aningaasaqarnermut Ataatsimiititaliamut akissuteqaammi allassimavoq, taamatut periuseqalernissamik aqqissuussinissaq kissaatiginartinneqanngitsoq. Ajuusaarnartumilli tamatumunnga taamatut akissutigineqartoq, paatsoornermik tunngaveqartutut paasisariaqarpoq. Taamaattumik kiffartuussinissamik isumaqatigiissutip akuerineqarnissaanut Aningaasaqarnermut Ataatsimiititaliap piumasarisariaqarpaa, tunisassiorfinnut tunngatillugu maannakkut siunissamilu kiffartuussinissamik isumaqatigiissusiani taamatut nalimmassaasarnissamut aqqissuussisoqarnissaa.

Tunisassiorfinnut kiffartuussinissamik isumaqatigiissutitut tapiissutaasartut ikilisikkiartuaar-nissaannut Naalakkersuisut siunniussaqaarnerat ataatsimut isigalugu Ataatsimiititaliaq isumaqarpoq, maannakkorniit eqqarsaatigineqartunit siammasinnerusumik tunngaveqarluni tamanna ingerlanneqartariaqartoq. Kiffartuussinissamik isumaqatigiissutit aqutugalugit tapiis-suteqartarnek pissutsini allani aamma atorneqartarpoq, assersuutigalugu angallannermi, inuus-sutissarsiornermi, kulturikkut tunngasuni il. il. Ataatsimiititaliaq isumaqarpoq, kiffartuussi-nissamik isumaqatigiissutit tapiissuteqartarnerillu pillugit iluaqutissarsiviusussamik sam-misaqartitsillutik Naalakkersuisut aqqissuussisinnaasut, oqallinneq siammasissumik inger-lanneqarluni, aammalu ingerlatsiveqarfiit ataasiakkaat peqatigalugit pingaarnersiunerit oqalli-sigineqarlutik. Tamannalu ukiup ingerlanerani pisariaqaralarpoq, assersuutigalugu Inatsis-artut upernaakkut ukiakkulluunniit katersuunneranni. Naalakkersuisut taamatut suliniuteqar-nissaannik ataatsimiititaliap matumuuna **kaammattorusuppai**.

Naggasiutigalugu oqaatigineqassaaq, tassalu Aningaasaqarnermut Ataatsimiititaliap apeqqutaanut Naalakkersuisut akissuteqaamminni oqaatigimmassuk, Sisimiut Fish ilisimatit-simmat, ingerlatseqatigiiffiup nammineq aningaasaatai ukioq 2011-imut kr. 600.000-nik naatsorsuutini amigartooruteqarallartussatut naatsorsuusiorsimanermik tamanna tunngaveqar-toq, tamannalu tunngavigalugu ilimagisariaqartoq, ingerlatseqatigiiffiup kukkunersiuisua naatsorsuutini kukkunersiunermini akiliisinnaajunnaartoqarsinnaanera eqqarsaatigiumaaraa, tamatumalu kingunerisinnaavaa, ingerlatseqatigiiffiup ingerlaannarnissaata ulorianartorsiuler-sinnaanera, taamaalilluni kiffartuussinissamik isumaqatigiissutitut Nunatta Karsiata aningaas-artuutigisai annaaneqarlutik. *Taamaattumik paasissutissiineq taamaattoq Aningaasaqarner-mut Ataatsimiititaliap suliamik aalajangiinissaanut pingaaruteqarluinnartutut isigisariaqar-poq.* Taamaattumillu qinnuteqaatip ataatsimiititaliamut nassiunneqaaqqaarneranili paasissutis-sap tamatuma Aningaasaqarnermut Ataatsimiititaliamut saqqummiunneqarsimannginera ajuusaarnartorujussuuartut oqaatigisariaqarpoq.

Aningaasaqarnermut Ataatsimiititaliap aalajangiinera

Qulaani oqaaserineqartut naapertorlugit Deloittep siunnersuinera malillugu kiffartuussinissa-mik isumaqatigiissusiarineqartartussanut tunngatillugu nalimmassaasarnissamut aqqissuus-sisoqarnissaata ilanngunneqarnissaanik **piumasaqaatitalerlugu** Naalakkersuisut innersuus-sutaat Aningaasaqarnermut Ataatsimiititaliap **akuera**i. Kiffartuussinissamik isumaqatigiissut atsioriigaq tamatuma kingorna Aningaasaqarnermut Ataatsimiititaliamut ilisimatitsissutitut nassiuteqquneqarpoq qarasaasiakkut assilineru uunga ingerlatillugu nch@ina.gl.

Ataatsimiititaliaq sinnerlugu

Andreas Uldum
Siulittaasoq